

SCRIPTA

Numéro Scripta : 5380

Auteur(s) : Guillaume le Dru [clerc]

Bénéficiaire(s) : Coutances (chapitre cathédral)

Genre d'acte : charte

Authenticité : non suspect

Datation : 1265, octobre

Action juridique : vente

Langue du texte : latin

Analyse

Guillaume le Dru, clerc marié, vend au chapitre de Coutances pour sept livres et onze sous une rente de sept boisseaux de froment, trois poules et cinq deniers, due par Roger le Croullant sur une tenure de la paroisse d'Orglandes.

Tableau de la tradition

Éditions principales

a. Fontanel Julie, *Le cartulaire du chapitre cathédral de Coutances*, Saint-Lô, Archives départementales de la Manche (Sources inédites sur l'histoire du département de la Manche ; 1), 2003, n° 142, p. 269-270.

Texte établi d'après a

Notum sit omnibus presentibus et futuris quod ego, Guillelmus le Dru, clericus uxoratus de parrochia de Orglandres, vendidi et concessi et omnino in perpetuum dimisi canonicis ecclesie Beate Marie Constantiensis pro septem libris et undecim solidis tur. quas propter hoc ab eis recepi, scilicet septem bucellos frumenti ad mensuram de Orglandriis annui redditus ad festum sancti Michaelis et tres gallinas et quinque denarios ad Natale, quem redditum michi debebat et reddebat annuatim de tenemento quod de me in parrochia de Orglandres feodaliter tenebat, scilicet Rogerus le Croullant ejusdem parrochie, sito in eadem parrochia in quatuor peciis, quarum una sita est inter terram Ricardi Suart ex una parte et terram dicti Polein ex altera et vocatur Le Flasque ; altera vero sita est propre vicum Macillidis de Landa juxta terram Petri Avice ; item due pecie site inter maram Chosi et vicum de Humo ; percipiendos et habendos et reddendos in perpetuum decetero annuatim libere, pacifice et omnino quiete per manum predicti Rogeri et heredum ipsius, quem ad hoc eisdem canonicis attornavi et omnino dimisi cum homagio suo et cum omni alio jure quod ego seu heredes mei habere poteramus in predicto ejus tenemento, sine reclamacione et contradicione aliqua mei decetero et heredum meorum. Juravi supra sacrosancta evangelia et tenemur ego et heredes mei dictis canonicis in perpetuum hec predicta omnino fideliter observare, garantizare et deliberare contra omnes bona fide vel alibi in proprio feodo nostro valore ad valorem eisdem canonicis excambiare, si forte garantizare non possemus. In cujus rei testimonium perpetuum et munimen, presentem cartam sigilli mei munimine roboravi. Actum est hoc anno gracie M° CC° LX° quinto, mense octobris.